



MIÐVIKUDAGUR 30. OKTÓBER
22. TÖLUBLAÐ 1. ÁRGANGUR
DAGSKRÁRBLAÐ STÖÐVAR 2



GALDRAMÁNUÐUR

Harry Potter verður á dag-
skrá á föstudagskvöldum
í nóvember.



GREY'S ANATOMY

Ellen Pompeo slúðrar um
lífið á bakvið tjöldin.



ENSKA ÚRVALSDEILDIN

Arsenal mætir Liverpool í
toppslag deildarinnar.



HASAR Í VÆNDUM

HASAR OG SKEMMTILEGHEIT MUNU
EINKENNA BÍLAPÁTTINN Á FULLU GAZI
SEM HEFST Á STÖÐ 2 Í NÓVEMBER.

**FRÁBÆR TILBOÐ
Í STÖÐ 2 VILD**

krakkar

GULL

BÍÓ

SPORT

SPORT 2



KOLLA
Miðvikudag
kl. 20.25



SÆLKERAFERÐIN
Fimmtudag
kl. 20.05



LOGI Í BEINNI
Föstudag
kl. 19.45



SPAUGSTOFAN
Laugardag
kl. 19.30



ÁSTRÍÐUR
Sunnudag
kl. 20.40



UM LAND ALLT
Mánudag
kl. 20.05



BONES
Þriðjudag kl. 21.15

HARRY POTTER Í NÓVEMBER

Myndirnar um **Harry Potter** verða sýndar á Stöð 2 á föstudagskvöldum í nóvember.

HARRY POTTER AND THE PHILOSOPHER'S STONE Föstudag 1. nóvember kl. 21

Fyrsta myndin af átta í einum flottasta ævintýrabálki síðari ára verður sýnd á Stöð 2 næstkomandi föstudagsvöld.

Harry Potter er ellefu ára munaðarlaus drengur sem missti foreldra sína á voveiflegan hátt. Hann elst upp hjá frændfólki sínu og á ekki sjö dagana sæla. Þegar Harry kemst að því að hann er göldróttur og fær inngöngu í Hogwarts-galdraskólann, tekur líf hans óvænta og ævintýrlega stefnu. Það verður þó enginn dans á rósum. Harry á sér öflugna og stórhættulega óvini sem tengjast dauða foreldra hans. Ásamt vinum sínum Hermione og Ron tekst Harry á við áskoranir sem virðast óyffirstíganlegar ellefu ára dreng.

Sagan um Harry Potter hefur farið sigurför

um heiminn síðan fyrsta bók J.K. Rowling kom út árið 1997. Alls urðu bækurnar sjö og hafa allar verið kvikmyndaðar.

Daniel Radcliffe fer á kostum í hlutverki Harrys. Hann hafði áður leikið í sjónvarpsþáttum um töframanninn David Copperfield en vakti athygli framleiðanda Harry Potter þegar þeir voru báðir gestir í leikhúsi og Daniel heillaði nærstadda með einlægri forvitni sinni. Emma Watson og Rupert Grint, sem fara með hlutverk Hermione og Ron, höfðu enga reynslu af kvikmyndaleik en voru valin úr hópi þúsunda barna. Þau unnu hug og hjörtu áhorfenda með einlægum leik, einungis tíu og ellefu ára.

LÍFIÐ EFTIR HARRY POTTER

Daniel Radcliffe

- Lék á sviði bæði í London og New York eftir að Harry Potter lauk. Fyrsta kvikmyndahlutverk hans þar á eftir var *The Woman in Black* árið 2012.
- Daniel var einn af sex launahæstu Hollywood-leikurunum árið 2010.


Emma Watson

- Sagðist „aldrei þurfa að vinna launaða vinnu framar“ eftir að síðasta myndin um Harry Potter kom út árið 2007.
- Árið 2010 var hún launahæsta leikkonan í Hollywood en það ár þénaði hún 19 milljónir dollara.

Rupert Grint

- Segir vináttu þeirra þriggja eins og systkinasamband.
- Rupert lét æskudraum sinn rætast þegar hann fékk launatékkann sinn í Harry Potter og keypti sér ísbíl.
- Kvikmyndaferill Ruperts fór rólega af stað. Næsta kvikmynd hans verður *Enemy of Man* en tókur hefjast eftir áramótin.

- 1. nóvember 2013 *Harry Potter and the Philosopher's Stone* (2001)
- 8. nóvember 2013 *Harry Potter and the Chamber of Secrets* (2002)
- 15. nóvember 2013 *Harry Potter and the Prisoner of Azkaban* (2004)
- 22. nóvember 2013 *Harry Potter and the Goblet of Fire* (2005)
- 29. nóvember 2013 *Harry Potter and the Order of the Phoenix* (2007)



Aðalheiður Héðinsdóttir, eigandi Kaffitárs.



MYND/STEFÁN

EKTA KRUÐERÍ OG KAFFITÁR

Meðlimir í **Stöð 2 Vild** fá framvegis frábær afsláttarkjör af kaffipökkum **Kaffitárs**. Nú er bakað ekta krósant, íslenskar beyglur og gómsætt kruðerí fyrir kaffihús þess.

„Ég ætlaði mér reyndar bara að verða sérfræðingur í kaffi en eftir 23 ár í bransanum vildi ég gera það sama við matinn,“ segir Aðalheiður Héðinsdóttir, eigandi og stofnandi Kaffitárs, sem nú hefur fært út kvíarnar og opnað matvælafyrirtækið Kruðerí Kaffitárs.

„Við höfum ætíð státað okkur af kaffi án krókaleiða og 75 prósent kaffis sem við framleiðum kemur frá bændum sem við þekkjum og eru með afbragðsvöru. Fyrir það greiðum við um 30 prósent hærra verð en Fair Trade-verðið en fáum í staðinn frábært hráefni,“ útskýrir Aðalheiður.

Kaffihús Kaffitárs eru opin flesta daga ársins og að sögn Aðalheiðar hefur verið vandkvæðum bundið að fá ferskt brauð og kökur send á átta kaffihús frá bókunum. Því ákvað hún að stofna Kruðerí sem framleiðir matvöru Kaffitárs frá grunni úr besta fánlega hráefni.

„Við þurfum daglega ferska matvöru á kaffihúsin og höfðum áður bakað kökur en keypt inn frosin, forbökuð brauð, eins og margir. Hugmyndafræðin er að framleiða matvæli sem eru frábærlega góð eins og kaffið okkar en einnig rekjanleg því æ fleiri verða meðvitaðir um hvað þeir borða. Við forðumst því skyndilausnir til að vera fljótari eða láta kökurnar endast lengur,“ segir Aðalheiður um góðgætið sem þegar býðst gestum.

„Beyglurnar fást nú nýbakaðar frá grunni í Kruðerí og í krósantið notum við einungis íslenskt smjör sem gerir þau einstaklega stökk og ljúffeng.“

Meðlimir Stöðvar 2 Vildar fá 15% afslátt af öllum vörum Kaffitárs fyrsta mánuðinn en eftir það tekur við 20% afsláttur af öllum kaffipökkum. Sjá nánar á www.kaffitar.is.



VILDI EKKI WASHINGTON



Ellen Pompeo með eiginmanni sínum, tónlistarframleiðandanum Chris Ivery. Pompeo með dóttur sína, Stellu. NORDICPHOTOS/GETTY



Ellen Pompeo sem leikur **Meredith** í *Gray's Anatomy* sagði frá því nýverið að hún hefði kosið Dempsey fram yfir Washington þegar kom að vali á mótaleikara.

Ellen Pompeo, aðalsöguhetja *Gray's Anatomy*, hefur leikið Meredith í yfir 200 þáttum. Í nýlegu viðtali við *New York Post* greindi hún frá því að höfundur þáttanna, Shonda Rhimes, hefði upphaflega ætlað leikaranum Isaiah Washington að leika ástmög hennar, Derek Shephard. „Þau vildu að Washington léki kærastann minn en Shondu var mjög í mun að koma svörtum manni að. Mér fannst það ekki nógu góð hugmynd og vildi ekki fá hann sem mótaleikara, fannst það of líkt raunveruleikanum,“ sagði Pompeo í viðtalinu en leikkonan er gift tónlistarframleiðandanum Chris Ivery, sem er svartur. „Ég sagðist heldur vilja Dempsey-gaurinn.“

Pompeo fékk sínu framgengt og Washington fékk í staðinn hlutverk Peter Burke. Þessi stöðulækkun fór ekki vel í Washington að sögn Pompeo. Leikarinn var síðar látinn taka poka sinn vegna fordómfullra ummæla hans um samleikara sinn T.R. Knight.

Þó Pompeo hafi ekki viljað endurspegla eigið líf með því að eiga svartan elskhuga í þáttunum má segja að nýtt hlutverk Meredith sem móður dragi dóm af hennar eigin lífi. Í þáttunum á Meredith Zolu, fjögurra ára ættleidda svarta dóttur, og í raunveruleikanum á hún dótturina Stellu á svipuðum aldri.



STÓRBROTIN SAGA

WORLD WITHOUT END
Hefst á mánudag kl. 22.35

Stöð 2 hefur sýningar á þáttaröðinni *World Without End* á mánudagskvöld. Þættirnir eru byggðir á samnefndri metsölubók eftir Ken Follett og eru sjálfstætt framhald þáttaraðarinnar *Pillars of the Earth* sem sýnd var á Stöð 2 sl. vetur. Follett styðst við sögulegar staðreyndir og spinnur í kringum þær magnaða

sögu um völd og baráttu, trú og ást. Hann notar tvo sögulega viðburði, upphaf hundrað ára stríðsins sem Bretar háðu við Frakka og svartadauða, sem var einn skæðasti heimsfaraldur sögunnar og náði hámarki í Evrópu um miðja 14. öld. Meðal leikenda eru Cynthia Nixon (*Sex and the City*), Ben Chaplin, Peter Firth og Miranda Richardson. Leikstjóri er Michael Caton-Jones sem m.a. leikstýrði stórmyndinni *Rob Roy*.

FRILLURNAR SNÚA AFTUR

MISTRESSES
Í kvöld kl. 21.40

Lokabáttur *Mistresses* fer í loftið í kvöld. Á nýja árinu er von á nýrri þáttaröð sem sýnd verður á Stöð 2 strax í kjölfar frumsýningar þáttanna á ABC-sjónvarpsstöðinni vestra. Söguþráðurinn spinnst um vinkvennahóp sem flæktur er í óuppbyggileg og á stundum harðbönnuð ástarsambönd og glímur við framhjáhöld, elti-hrella, afturgöngur og fleira sem rígheldur áhorfendum.

Pokkagyðjan Alyssa Milano fer með aðalhlutverkið, lögfræðinginn Savi sem í byrjun þáttanna lenti í einnar nætur gamni með vinnufélaga og þarf að takast á við eftirmál þess.

„Endalokin verða tvísýn en ýmsum spurningum svarað, eins og því hver barnsfaðir Savi er,“ segir Alyssa sem verður gestgjafi í stjórnuútgáfu *Project Runway* á milli þáttaraða.

„Ég vona að Savi nái áttum í næstu þáttaröð og fyrirgefi sjálfri sér öll mistök. Þeir sem vilja komast á bragðið ættu að horfa á síðasta þáttinn því frillurnar eru heillandi kvensur á sérstökum stað í lífinu og framhaldið verður krassandi.“



Jólin þín byrja í IKEA

AKTAD kökudiskur á fæti
m/hjálmi 3.490,-
Gler. Ø17, H40cm. Rautt/glært

SNÖMYS gjafabox
995,-/3 í setti
Pappi. Ýmsir litir

2.990,-/stk.

AKTAD kökudiskur á fæti
Gler. Ø33, H13cm. Rautt/glært

GODTA könnur 395,-/stk.
Gler. 21cl. H8cm. Ýmis mynstur

© Inter IKEA Systems B.V. 2013



Skoðaðu fleiri jólavörur
á www.IKEA.is

Verslun opin **11-20** alla daga - Veitingastaður opinn 9:30-19:30 - www.IKEA.is

1.890,-/stk.

SNÖMYS luktur f/sprittkerti
Má nota utandyra. Stál/gler. Ýmsir litir

SMYCKA gerviblóm 1.290,-/stk.
Hjarðlilja. L62cm. Ýmsir litir

BLADET blómavasi 1.990,-
Ø20, H28cm. Glært gler

**SNÖMYS skraut-
hjörtu 695,-/6 í pk.**
H8cm. Ýmsir litir

SNÖFINT löber 995,-
100% bómull, B40xL250cm. Marglitt

995,-/8 í pk.

JUBLA kerti
H28cm. Rautt
Einnig til hvítt

IKEA®

MYND HELGARINNAR



HAYWIRE
Kl. 22.20 laugardag

Njósna- og spennutryllir úr smíðju leikstjórans Stevens Soderbergh. Það er Gina Carano (fyrrverandi meistari í blönduðum bardagalistum MMA) sem fer með aðalhlutverkið en auk hennar leika Ewan McGregor, Michael Douglas, Antonio Banderas, Bill Paxton, Channing Tatum og Michael Fassbender stór hlutverk. Myndin segir frá málaliðanum Mallroy Kane sem vinnur að verkefnum sem yfirvöld vilja láta framkvæma en geta ekki heimilað og loka þess í stað augunum fyrir.

RUBY SPARKS
Kl. 20.35 laugardag

Rómantísk gamanmynd sem hlotið hefur mjög góða dóma. Hún fjallar um rithöfund sem glímir við eftirköst sambandslita og ákveður að skrifa um draumastúlkuna sína eins og hann ímyndar sér að hún ætti að vera.



THE BOX
Kl. 23.30 föstudag

Rómantísk gamanmynd sem hlotið hefur mjög góða dóma. Hún fjallar um rithöfund sem glímir við eftirköst sambandslita og ákveður að skrifa um draumastúlkuna sína eins og hann ímyndar sér að hún ætti að vera.

BÍÓ TOPPMYNDIR
Kl. 22.00 alla daga



Pandorum
LAUGARDAGUR



127 hours
SUNNUDAGUR



Sunshine Cleaning
MÁNUDAGUR



Magicians
ÞRIÐJUDAGUR



The Next Three days
FIMMTHUDAGUR



The Way of War
MIÐVIKUDAGUR




Snow White and the Huntsman
MÁNUDAGUR

Stöð 2 Bíó fylgir frítt með áskrift að Stöð 2

GENGUR ÚT Á HASAR OG GLEÐI

Líflegur og skemmtilegur bílapáttur hefur göngu sína á Stöð 2 í lok nóvember. Umsjónarmenn fá þjóðþekkt einstaklinga til að keppa í rallíkrossi, breyta gömlum sendiferðabílum í draumabíla og heimsækja þekkt og óþekkt bílaáhugamenn.



Á FULLU GAZI

Hefst þriðjudaginn 26. nóvember kl. 20.05

Mikill hasar og skemmtilegheit einkenna nýjan bílabátt sem verður frumsýndur í lok nóvember á Stöð 2 og ber heitið Á fullu gazi. Þátturinn er þó ekki hefðbundinn bílabáttur heldur verður meiri áhersla lögð á lifandi og skemmtilega umfjöllun í bland við fjörugar upptökur. Umsjónarmenn þáttarinnar eru Sigríður Elva Vilhjálmssdóttir, fréttakona á Stöð 2, og Finnur Thorlacius, blaðamaður hjá Fréttablaðinu, visir.is og Stöð 2. Finnur segir áhorfendur Stöðvar 2 mega eiga vona á eintómri gleði um flest allt er viðkemur bílum. „Við munum bjóða upp á skemmtilega þáttaröð og við getum lofað miklu fjöri um flest allt er viðkemur bílum. Efni þáttanna er í grófum dráttum þrískipt; við fáum sextán þjóðþekkt einstaklinga til að keppa í rallíkrossi, við Sigga fáum sitt hvorn sendiferðabílinn sem við reynum að breyta í draumabíl með aðstoð góðra manna og að lokum þá munum við heimsækja þjóðþekkt og minna þekkt einstaklinga sem eru miklir bílaáhugamenn.“

Grimmleg barátta

Finnur og Sigríður fá sextán þjóðþekkt einstaklinga til að keppa í tveggja manna liðum í rallíkrossi á rallíkrossbrautinni í Kapelluhrauni í nágrenni Hafnarfjarðar. „Kynjahlutföllin voru jöfn, einn karl og ein kona í hverju liði. Liðin háðu grimmilega baráttu sín á milli og að lokum stóð eitt liðið uppi sem sigurvegari. Það var virkilega gaman að sjá hasarinn, lætin og keppnisþráir í keppendum. Margir keppendur sýndu á sér nýjar hliðar og góða takta sem áhorfendur munu hafa gaman af.“

Annar hluti þáttanna gengur út á skemmtilegt verkefni sem Sigríður og Finnur fá. „Við fengum það krefjandi verkefni að breyta gömlum sendiferðabílum í draumabíl fyrir ferðalagið. Ein helgi fór í verkefnið og fengum við aðstoð mikilla snillinga hvors á sínu verkstæðinu. Það mun koma áhorfendum á óvart hversu mikið er hægt að breyta einum bíl yfir helgi.“ Tveir dóm- arar sáu um að dæma afraksturinn, Sigga Heimis iðnhönnuður og Völvi Snær matreiðslumaður, en Sigga og Finnur þurftu að elda fyrir Völva Snæ og heilla hann upp úr skónum.

Bílaáhugamenn heimsóttir

Síðast en ekki síst munu Finnur og Sigríður heimsækja þjóðþekkt og minna þekkt bílaáhugamenn. „Þetta eru margir hverjir þekktir bílaáhugamenn en það var ekki síður gaman að hitta þá sem eru minna þekktir. Flestir eiga spennandi bíla sem gaman er að skoða og sumir jafnvel marga bíla.“

Finnur hefur í mörg ár fjallað um bifreiðar og allt sem þeim viðkemur í íslenskum fjölmiðlum. Sigríður hefur hingað til verið þekktust sem liðsmaður Íslands í dag á Stöð 2. „Við myndum í sameiningu skemmtilegt teymi. Sigga er tækjaprjáluð og sérstaklega í öll tæki sem hreyfast. Svo er hún með flug- próf og það skín svo sannarlega í gegn hvað hún þælir mikið í græjum.“



Stórstjörnurnar Derrick Rose og LeBron James mættust í gær. MYND/AFP

NBA DEILDIN KOMIN Í GANG

NBA deildin í körfubolta hófst í gær þriðjudag þegar þrjú leikir fóru fram. Stórleikur gærdagsins var leikur Chicago Bulls og núverandi meistara Miami Heat á heimavelli þeirra síðarnefndu. Þar mættust tvö af sigurstranglegustu liðum deildarinnar auk þess sem Derrick Rose, besti leikmaður Bulls, sneri til baka eftir eins og hálfis árs fjarveru vegna alvarlegra hnémeiðsla. Lið Miami Heat hefur unnið NBA deildina síðustu tvö ár og lið Chicago Bulls með heilbrigðan Rose innanborðs ætlar sér stóra hluti í vetur. Í æfingarleikjum haustsins hefur Rose sýnt að hann er kominn í gott form og hefur hann sýnt gamalkunna takta. Kjarni meistara Miami Heat verður sá sami og í fyrra en liðið hefur bætt nokkrum leikmönnum í hópinn. Greg Oden er mættur til leiks eftir nær fjögurra ára fjarveru vegna alvarlegra hnémeiðsla. Nái hann sér á strik, auk vandræðapésans Michael Beasley sem gekk til liðs við Miami í haust, verður bekkur meistaranna sterkur í vetur. Utan Miami og Chicago búast spekingar við góðu gengi San Antonio Spurs, Los Angeles Clippers, Oklahoma City Thunder og Golden State Warriors. Gömlu stórveldunum Boston Celtics og Los Angeles Lakers er hins vegar spáð erfiðum vetri.



Mikið mun mæða á Mesut Özil og Luis Suarez um helgina.

TOPPSLAGURINN Í ENSKA BOLTANUM UM HELGINA

Arsenal og Liverpool mætast í ensku úrvalsdeildinni á laugardag. Þetta er einn af stórleikjum vetrarins, enda eru þessi fornfrægu stórlíð að berjast um toppsætið í deildinni. Leikurinn verður sýndur í beinni útsendingu á Stöð 2 Sport 2.

Arsenal trónir á toppi ensku úrvalsdeildarinnar eftir níu umferðir með 22 stig. Liðið hefur ekki tapað leik í deildinni síðan það steinlá í fyrstu umferðinni gegn Aston Villa. Síðan þá hefur liðið spilað frábæran fótbolta og margir spá því meistaratilinum þegar upp er staðið næsta vor.

Liverpool hefur einnig spilað vel í vetur og getur náð toppsætinu með sigri í leiknum. Félagið er með 20 stig og er ásamt Chelsea í 2.-3. sæti deildarinnar. Markahrókurinn Luis Suarez er kominn aftur eftir að hafa hafið tímabilið í leikbanni og hann var óstöðvandi gegn West Bromwich Albion um síðustu helgi. Aðdáendur Liverpool virðast vera búnir að fyrirgefa Suarez eftir að hann reyndi að komast í burt frá félaginu í sumar. Arsene Wenger, stjóri Arsenal, freistaði þess að kaupa Suarez en sá taldi sig hafa rétt á að yfirgefa Liverpool ef eitthvert annað félag væri tilbúið að borga meira en 40 milljónir punda. Arsenal reyndi að láta á það reyna en forráðamenn Liverpool þvertóku fyrir að selja kappann. Í staðinn eyddi Arsenal nánast sömu upphæð í Þjóðverjann Mesut Özil frá Real Madrid sem hefur verið lykilmáður í velgengni liðsins það sem af er tímabilsins.

„Ég held að leikur Arsenal og Liverpool hafi ekki verið jafn spennandi í mörg ár. Liverpool eru með heitasta framherjapar heims í þeim Sturridge og Suarez. En Arsenal-liðið er stútfullt lið af léttleikandi miðjumönnum eins og Özil, Wilshere, Cazorla og auðvitað Ramsey sem er sjóðheitur um þessar mundir,“ sagði Hjörvar Hafliðason dagskrárstjóri Stöðvar 2 Sport aðspurður um leikinn.

FJÖLVARPIÐ STÆKKAR

Fjölvarpið er að taka stórfelldum breytingum og er fjöldi sjónvarpsrása að bætast við. Áskriftarpakkarnir bólgnu út og er boðið upp á margar glænýjar sjónvarpsstöðvar. Evrópskum stöðvum fjölgar umtalsvert auk þess sem bætist í flóru kvikmynda- og lífsstílsstöðva. Þá er boðið upp á nýjar barnastöðvar úr smiðju Disney.

Rásur í áskriftarpakkanum Fjölvarp Toppur hefur verið fjölgað úr 12 í 26. Helstu viðbætur eru í flokki fræðslu- og afþreyingarstöðva. Má þar nefna Eurochannel sem er ný stöð sem sérhæfir sig í sjónvarpsþáttum og kvikmyndum frá hinum ýmsu Evrópulöndum. Hún hefur verið að sækja í sig veðrið að undanförunu og er Fjölvarp 365 fyrsta dreifiveitan hér á landi til að kynna hana. Fashion One er lífsstílsstöð sem einnig er ný hér á landi. Þar er boðið upp á fjölbreytt tískutengt efni og er stöðin væntanleg í háskerpu innan skamms. VH1 Classic er sömuleiðis ný stöð sem kemur fyrst á markað hjá Fjölvarpi 365 en stöðin höfðar til eldri áhorfshóps en VH1 Hits. Af öðrum viðbótum má nefna Manchester United TV, Hustler TV, norsku ríkisrásina NRK1 og kvikmyndarásirnar Turner Classic Movies & MGM Movie Channel.

Rásur í áskriftarpakkanum Fjölvarp Skemmtun hefur verið fjölgað úr 13 í 30. Hann er nú stútfullur af stöðvum sem ættu að höfða til allrar fjölskyldunnar. Norrænu ríkisrásirnar eru þar fyrirferðar-

miklar með nýjum viðbótum á borð við NRK3 og NRK Súper auk nýrra stöðva á borð við Fine Living, MTV Rocks, Star og Boomerang.

Fjölvarp Fræðsla hefur stækkað úr 16 rásur í 27. Meðal nýrra stöðva má nefna BBC Knowledge sem hefur notið mikilla vinsælda erlendis og er nú í fyrsta skipti í boði hér á landi. Pakkanum fylgja sömuleiðis þrjár nýjar krakka-stöðvar frá Disney; Disney XD, Disney Channel & Disney Junior. Allir pakkarnir kosta 3.990 krónur á mánuði.

Þess bera að geta að vegna plássleysis á núverandi dreifikerfi Digital Ísland eiga breytingarnar sér stað á dreifikerfum símafélanna Vodafone og Símans, þar sem möguleikar til stækkunar eru nær ótakmarkaðir. Breytingarnar nú eru þær mestu frá upphafi Fjölvarpsins.

Innan skamms mun Fjölvarpið kynna nýjan háskerpu- og þrívíddarpakka. Í honum verða 19 stöðvar. Hann býðst áskrifendum Fjölvarpspakka fyrir aðeins 990 krónur aukalega.

Fashion|One

Sjónvarpsstöðin Fashion One var stofnuð árið 2010 og hefur náð gífurlegri útbreiðslu síðan. Þar eru sýndir lífsstíls-, skemmti- og tískupættir auk þess sem fjallað er um stórstirni á rauða dreglinum, hátísku-hús og ferðalög. Þá stendur stöðin fyrir framleiðslu á raunveruleikasjónvarpi og heimildapáttum.



ÞESSAR STÖÐVAR BÆTAST VIÐ



Sérhæfir sig í efni fyrir yngri krakka með þáttum eins og Doctor McStuffins og Small Einsteins.



Ný hér á landi og býður fjölbreytt úrval afþreyingar.



Býður fjölbreytt úrval af teiknimyndum fyrir krakka á öllum aldri.



Skemmtilegt barnaefni frá morgni til kvölds.



Fjölbreytt úrval eldri tónlistarmyndbanda.



Frábær ný krakka-stöð fyrir 4-10 ára með Spiderman & Phineas & Ferb.



Ný lífsstílsrás með fjölbreyttu og fræðandi efni.



Þetta er sjónvarpsstöðin fyrir unnendur rokk-tónlistar.



Ný evrópsk sjónvarpsstöð sem sérhæfir sig í evrópskum kvikmyndum.



Lífsstílsstöð sem tekur púlsinn á öllu sem gerist í Hollywood.



Ný lífsstílsrás sem hefur notið mikilla vinsælda.



Sjónvarpsstöð fyrir bílaáhugamenn.



Sjónvarpsstöð frá TVP sem sendir út innlent efni fyrir Pólverja nær og fjær.



Vandaðir, fróðlegir og skemmtilegir þættir frá BBC.



Fjölbreytt úrval af skemmtilegum og fróðlegum þáttum.